

VASTELAOVENDSVEREINIGING MESTREECH-OOS



Gezèt van

DE KEEMELEERS

73 ste jaorgaank

* uitgever: Vastelaovendsvereining De Keemeleers

* www.keemeleers.nl

* fibberwarie 2022

Beriech vaan de Kanselarijraod aon de oonderdaone vaan Keemelstad, gelege aon d'n ooskant vaan de Maos en ederein dee mètluustert, Salut!

Kemielke woort in eine kier wakker, wie heer de klokke vaan de St.-Martinuskèrk, wied eweg, hoort lojje. Heer doog zien uigskes, nog gans vol zand, ope, en zaog tot 't inmiddels 2022 waor gewore. E gans jaor veurbij, mèt moindkepke, zoonder moondkepke, mèt oonderhave meter, zoonder oonderhave meter, en alderlei mie maotriggleminne boe heer, vaanoet ziene stal, neet väöl had mèt gekrege.

Heer spróng op, en doog ziene Keemeleersjas aon, en 't mötske op ziene krollezjiets. Zien bôlte waggelde op en neer, gans vol alteratie, um same mèt de Kanselarijraod op zeuk te goon nao dee nuie, dee 73e Vors vaan de Keemeleers.

Allein, ouch dit jaor is de Kanselarijraod neet bijein gekoume. Dee mèt 't Hunneke dee wandelt (en fiets) weer door de straote vaan Wiek, meh 't hunneke luufde ouch dit jaor zie stertsje neet op. Pin hawwe, is soms belangrieker daan 'ne Vorstepin drage, dach heer bij zien eige.

Ouch 't Evermenneke had ziene fiets op sloot laote stoon. Wie sjoen Wiek ouch is, en wie sjoen Wiek nog geit weure, drop oet trèkke um 'ne Vors te zeuke zit d'r neet in. 'Soms moet me, wie sjiek de etappe ouch is, 'ne wèdstrijd evekes neutraolisere, um volgend jaor nog groeter oet te pakke,' zag heer gruuts en groet.

De Zekere is ouch thoes gebleve. Heer zit mèt zien neus in de beuk. Sponsorbezeuke, sjariteit, verbinding, bliksembezeukskes, al moot gepland weure. Heer heet e hart wie e broed tot ouch dit jaor toch op de trom kin weure gehawwe, veur al die lui die dat nudeg höbbe.

't Kemediejentsje leep de cortege, meh aan allein, in ziene hoof, um alvas te oefenen veur 2023. 'Want 'ne kemiël,' wis heer, 'kin zelfs nao twie jaor in de woestijn de weeg trök nao de lui vindé.' Daan kint me die rijaloetpeskes beter neet verlierd zien!

Kemielke zöchde en wis ouch dit jaor wie laat 't waor. Ouch dit jaor geine nuie Vors in Keemelstad. De Vastelaovendskis, 't carnevalsrittekwie, zal dit jaor vaan de zolder koume, meh wel 'mèt 't köpke bij 't speul.

Heer loert nog eve nao 't portrèt in ziene stal, boe heer Vors Yves LXXI, dee allewyl 't predicaot 'd'n Iewege' dreug, gief 'm 'ne salut, en klump, moesstèllekes, via 't blómmerpetikske en de luifel vaan De Poshoorn, nao zien pläötske aon 't bordès. En ouch dao hink heer dit jaor, veur uuch allemaol, es symbool vaan Vastelaovend is Wiek en Mestreech-Oos, en hoop en verbinding veur us allemaol.



Same höbbe veer pin gehawwe!

Bèste lezers vaan dees Keemeleersgezèt, daank uuch!

Daank uuch tot geer twie jaor same mèt us pin höb gehawwe in dee meujeleke tied wie alles op sloot zaot. Tot d'r e virus waor wat us binne heel en tot veer bekans niks mie mochte. Meh noe, noe sjöddelt de groond onder eus sjeun! Of zien 't eus bein, die vaan oet ziechzelf begós zien aan d'n ierste rijaloet sinds twie jaor? Want veer mage weer, 't einege riechtege virus heet gewonne. Veer viere weer dat magnefiek fies vaan Vastelaovend!



Op 't momint tot dees gezèt weurt geprizzenteerd zien eus kaffees weer ope! d'n Oonderhave meter weurt oet gegump en veer mage weer 'n ech maske opzètte in plaots vaan dat medische. Wat is 't sjiek es veer us mèt de Vastelaovend weer kinne treffe um same e gleeske beer of e dröpke te drinke örgens in Wiek. Haolt eur pekske oet de Vastelaovendskis, trèk uuch d'n awwe lommel aan en zèt die pruk op!

Veer höbbe euze Kemiel opgehaange aan de balkon vaan kaffee de Poshoorn in Wiek en eus vlagge haange oet. Keemelstad kleurt weer blauw mèt zèlver. Veer goon zingend door de straote en me huurt euveral"Meh mörgevreug is alles aanders.....". Wee had gedach tot dat manjefiek leedsje oet 1998 noe zoe'ne hartekreet zouw zien vaan bekans edere Mestreechteneer dee de Vastelaovends-sjevraoje euver ziene rögkegraot veult loupe.

Meh toch.... Vastelaovendsvierder of neet, mèt omikron höbbe veer in d'n aonluip wel rekening mote hawwe! De gezoondheid vaan uuch en vaan us is 't allerbelangrikste, ouch mèt de Vastelaovend. In oonzekerheid euver wat de polletiek zouw goon beslisso, höbbe veer al ieder mote beslete um geine nuie Vors oet te rope. Euze Vors Yves 71ste regeert nog altied mèt vaste hand euver 't Keemelriek es Vors Yves LXXI ad interim in sedem carnavallum vacatio.

En geer wèt, Vastelaovend en sjariteit goon hand in hand. De kinder in 't hospitaol, de lui in de verzögingstehoezer, de bewoeners vaan Maasveld en eus seniore in Keemelstad krege vaan us de aondach en de kedokes die ze eder jaor mèt de Vastelaovend vaan de Keemeleers oontvaange. Want zjus die lui höbbe in dizze bizarren tied mie es aanders behoefté aan aondach en 'n aordege geste. Daank aan us sponsore en de lede vaan de club vaan 111 die dit eeder jaor weer meugelek make!

De kemiel hink bove Keemelstad. De Corona wolleke boven Mestreech lieke weg te weijje op de meziek vaan 'ne awwerwètse Vastelaovend. Confetti vèlt oet de loch wie snie en de Zate Hermeniekies speule heller en valser es oets! Kasteleins pótse de glazer, 't goud-geel beer reurt ziech in de tapkraone. De pekskes zien oet de motteballe gehaold. Wiek is weer vaan de Vastelaovend, Mestreech is weer van de echte maskes en same mèt us höb geer pin gehawwe! 'Ne Groete merci daouveur. Iech wins uuch vaanaof dees plaots 'ne hiele fijne vastelaovend, goejt uuch de door, en haw 't binnen de sjaom!



ADVIESBUREAU VOOR
VERZEKERINGEN, PENSIOENEN EN HYPOTHEKE

IFS
INTEGRATED FINANCIAL SERVICES

Verzekeringen
Hypotheiken
Sparen

mr. Eduard H.M. Moenen
St. Maartenslaan 29,
6221 AV Maastricht
Telefoon 043 - 321 48 70
Mobiel 06 - 23 86 40 92
info@ifsmaastricht.nl

www.ifsmaastricht.nl

Vastelaovend same!

Ed Moenen - Prizzedent WV de Keemeleers

BieZoe
ACCESSOIRES

- Wyckerbrugstraat 47
- Wolfstraat 7
- Maastricht

TWEEWIELERSPECIALIST
AON DE STASIE
Verkoop Verhuur Reparatie Stalling
STATIONSRIJWIELHANDEL
Stationsplein 26 * 6221 BT Maastricht * tel. 043 - 3211100
Nu ook: Sphinxlunet 1, Maastricht

Vorsteleke wäörd Vors Yves LXXI

ad interim in sedes carnavallum vocatio



Leef Vastelaovend vierend volk vaan Wiek en Mestreech-Oos,

Alles maag weer, meh mèt 't köpke debij...

Wat doorde t allemaol lang! En wat waors 't tot de lèste daog oondudelek wat of tot wel en neet zouw mage mèt de Vastelaovend! Wel boete, neet biejein. Mèt 'n cood zoonder maske zittentere, of zoonder cood, mèt maske staond? Alle vörme zien de revue gepasseerd. Ouch in de vastelaovends-vereineginge is genòg gedebatteerd. Veurgenger of neet? Cortèsj? Wagel? Fieskes? Vol ornaat of eeder veur ziech? Eder vereineging guuf op häör eige meneer invölling aan de Vastelaovend vaan 2022. Dat is sjus wie 't huurt! Georganiseerde chaos mèt get chaos bij 't organisere. Mestreech, zoe mot t blieve!

Wie geit 't weure? Wee 't wèt dee maag 't zegke. Drökker es anders? Of Geit ederein veurziechtig 'ns loere? Iech zeen de aofgelaope daog bij de bezeukskes die de Keemeleers höbbe gebrach aan Wiek tot Vastelaovend in us allemaol zit. Neet tösse Keersmes en Paose op de callepin, meh tösse Mestreechter Geis en leefde veur Mestreech, deep in eus prij.

Ei dink weet iech zeker. 't Geit weer gebäöre, en es 't zoe wied is genete veer vaan de meziek, de kompenij en de oonvervalsde Wieker Vastelaovend. Verboonde in dat geveul dat us Mestreechteneer maak, dat geveul dat miech de euvertuiging en krach gief um pin te hawwe.

Vors Yves LXXI

ad interim in sedes carnavallum vocatio

*VINOSOFIUS *PROCESSOLOGICUS *SALTATOR *AQUAVICTORIS



Foto:
Jean-Pierre Geussens
Focus 22

Team notarissen

Avenue Ceramique 105
6221 KV Maastricht
T 043 - 3282750
info@teamnotarissen.nl
www.teamnotarissen.nl

BOUCHON D'EN FACE

Wyckerbrugstraat 54 • 6221 ED Maastricht

ART IN HOSPITALITY

www.art-inhospitality.nl

Uw HoReCa specialist voor...

- ✓ Interim Management
- ✓ Project Management
- ✓ Trainingen
- ✓ Objectbeveiliging
- ✓ Nachtrecepsie Diensten Hotels
- ✓ Erkend Leerbedrijf Ecabo

Postbus 5143 / 6202 WG / Maastricht
Kvk Maastricht 20148041 / Tel. +31(0)641878367
info@art-inhospitality.nl / www.art-inhospitality.nl

Euze Vors op wèrkbezeuk

Euze Vors heet de aofgeloupe twie jaor laote zien tot heer vaan alle merrete hoes is. Zoe heet heer väöl gedöld, wèt heer wat pinhawwe is, en liekent heer ouch euver flexibiliteit te besjikke.

Meh heer kint nog väöl mie. Oonder 't mórm 'Èlf ambachte, mèh gein oongelökke' is heer langs 'n aontal sponsore gegaange um zien vorstelleke han oet de mouwe te steke. Es stagiair, es loupjong, es inspiciënt, of deginnege dee de mattriaole maag vashawwe. Of es deginnege dee get koupwaor moch oetperbere.

Zoe moch heer es professionele sjoester bij Heubel Schoenmakers, es minutieuze liestemeker bij Maaslands Lijstenmakerij en Antiquariaat, es punctuele klokjemeker bij Patoe, en es levende paspop veur secondhandkleiaasj bij SecondHand4All aan de geng! Um zien escapaad es sabreur bij Restaurant de Pastorij of meister-patisier bij Noblesse neet te vergete! Heioonder vint geer de foto's die al dat monnikewerk höbbe vasgelag.

Wèlt geer de Vors volgend jaor ouch op wèrkbezeuk? Laot 't us weite, en wee wèt, krijg geer ouch Vorsteleke hölp!



25 Jaor sponsorkunswèrke in Keemelstad

Zjus mèt Vastelaovend is 't es vereineging belangriek um te dinke aan alle lui die de Vastelaovend e werm hart touwdrage. Sponsore in euze club vaan 100 kriege eder jaor 'n sponsormedaille, e riechteg kunswèrk, aongeboanje. Deze weure gemaak door Frans Lagro en Marjo Boesten. Al 25 jaor, dus dat is e sjoen zjublei! Keemeleer Karl góng es reporter euver d'n digitaole snelweeg, en interviewde Frans en Marjo euver dit verdeenseleke en magnefieke werk!

Geer vint 't interview heioonder!

.....

Karl: Frans, wie is 't eigelek allemaol begós?

Frans: De bel góng. En dao stoont Karl veur de deur. Iech had 'ne etalaasj gemaak, en Karl had dao de beelde vaan gezeen. Mèt de vraog of iech dat ouch veur de Keemeleers wouw goon doen. Dao höb iech metein jao op gezag! En veer beslote tot veer tegelkes gónge make. Zoe is 't begós!



Karl: Wat is belangriek bij 't make vaan zoe tegelke?

Frans: 't Belangriekste is tot zoe kunswerk plezeer oetstraolt. 't Moot 'n aonvölling zien op 't Vastelaovendsgeveul. 't Begós mèt symbole oet Wiek, en later woorte 't mie Vastelaovendsvierders. Daobij perbeer iech de clichés te vermije. Edere kier get nuits perbere, dat is belangriek!

Karl: Wat voonste de sjoenste medaalje?

Frans: Ze zien netuurlek allemaol eve sjiek, meh de zjubileimedaalje vaan 2015 (Vorsteljaor Zjubilei-Vors Stephan XLVI) waor 't sjiekste.

Karl: Wie lang blijfste 't nog doen?

Frans: Zoe lang 't kin, en zoe lang iech 't leuk vin. Veur miech is 't make vaan de tegelkes traditie. Same mèt Marjo, die miech in al ondersteunt. In 't naojaor oetwérke, mèt Keersmes goon ze in d'n oven, en mèt Vastelaovend zeen iech ze in de kaffees haange. Daan bin iech gruuts!

Veer zien gruuts op eus medaaljes, en daorum 'ne groete merci aan Frans en Marjo!





AL VIERGENERATIES STERK
IN SCHILDERWERK

WWW.PIETERSMEETS.NL - 043-3219055



Loede Pin



In 't naojaor vaan 2009 is bij de Keemeleers 't idee oontstande um eder jaor 'ne persoen of organisatie te iere mèt de "Loede Pin". De bekinde "Pin" vaan de Keemeleers, meh daan oetvergroet en in loed gegote en op e sjoen breet vasgemaak. Iemes dee ziech in eus ouge op welke meneer daan ouch verdeenstekel heet gemaak veur Mestreech en veur Wiek in 't biezunder kin daoveur in aonmèrking koume. En zoe gebäörde 't dat in 2010 door Vors Jack 60ste de ierste Loede Pin woort oetgerek aan Paul Rinkens, op dat momint veurzitter vaan MVV en eigeneer van Town House Hotel in Wiek.

En dit jaor höbbe veer ouch 'n hiel biezunder gezèlsjap gevoonde wat de Loede Pin 2022 maag goon oontvaange. Geer höb ze vas al gezeen, meh zeker wete nog mie vaan hun gehuurd. Mèt hun kleurrike toene en hun muzikaole mersjkes völle ze riggelmateg de straote vaan Wiek. Mèt väöl geflanner, gemusiceer, en noets zoonder ammezuur. De Loede Pin 2022, is veur de R.K. Wieker Fanfare Sint-Franciscus.

Dees fanfaar woort opgeriech op 21 aprèl 1947. 't Waor 'ne vurege wins vaan Paoter Serapion tot de kemanniekentsjes vaan Wiek oonder muzikaol begeleiing vaan de sjaol nao de kerk zouw weure geveurd, um dao de Hellege Kemmunie te oontvaange. Dee wins woort in 1947 werkelekheid. Mestreech en Wiek waor in eine kier 'n illuuster meziekgezelsjap rieker.

Noe, nao 75 jaor is de Wieker Fanfaar nog steeds springleveteg. Edere zoondag weurt d'r gerippeteerd um good veur d'n daag te koume. Zoe geit de Fanfaar al jaore mèt in de cortege vaan Wiek, dee veuraofgeit aan de oonthulling vaan euze nuie Vors. Ouch klinke hun klaanke tijdens de Vastelaovendsmès, en daomèt is de Hellege Mès 't hoegtepunt vaan mennege Vors. Es de Fanfaar 'Mie Leef Mestreech' späölt kaome de sjevraoje vaan allein, en weure de zekdeukskes nog gawwer roondgedeild, daan de collectebös. Ouch laote ze ziech zien tijdens de Percessie. Dees activiteit, deks herstje zomer, boebij de musje vaan 't taak valle, weurt nog wermer en zonneger door de Fanfaar. Mèt Spaonse mersje bringe ze de Spaonse 'sol' en 'corazon' nao Wiek. 't Moot veur Pestoer eder jaor weer e gruuts momint zien um door dees jongens en meidskes begeleid te weure.

Neve 't oer, wil 't oug ouch get. De Wieker Fanfaar steit d'r in uniform patent op. Dees uniforme, replica's vaan de Ingelse mariniers, zien d'r nao 35 jaor nog steeds eve good oet. Toch weurt d'r, in 't kader vaan 't 75-jaoreg zjubilei, op zeuk gegaange nao nui uniforme. Daobij weurt de Wieker Fanfaar ondersteund door de Vrun vaan de Wieker Fanfaar. Mèt alderlei activiteite weurt geperbeerd um dees uniforme biejein te kriege. Dink beveurbeeld aan de Puzzel vaan de Wieker Fanfaar, dee op menneg keuketaofel in Wiek en daoboete al veur kopbrekers heet gezörg. De Wieker Fanfaar weurt daomèt door de gemeinsjap op han gedrage.

Mèt konzùrs steit de Fanfaar in 't middelpunt vaan Wiek, en bringe ze meziek nao de lui. Dink beveurbeeld aan Nuijaorskonzùrs, en de Poshoornkonzùrs. Lui ammezere mèt sjoene meziek is 't sjiekste wat me kin doen. En daan ouch nog 'ns door gooij muzikante, want in 2003 waor de Wieker Fanfaar Limbòrgs én Nederlands kampioen. 't Talent en doorzèttingsvermoge vaan de Wieker Fanfaar huurt me nog steeds trök in de meziek, meh ouch in de opleiing vaan de jäög. Want wee de jäög heet, heet d'n touwkoms. De leefde veur meziek weurt hun mèt de paplepel ingegote.

'ne Groete merci aan 'eus' Wieker Fanfare!
En tot geer nog mer gaw e stökske veur us maag speule!

www.Secondhand 4 All
MAASTRICHT
BREDESTRAAT 16



Vief vertèlt... door Vivianne Rijnders

Vasteläövendsje (gesjreve vlak veurtot dee Vastelaovend tóch zouw goon gebäöre!)

Twie jaor geleie sjreef iech hei tot iech ama zouw weure, en tot iech daan mèt Vastelaovend 2021 gruuts mèt mien kleindochter nao Wiek zouw koume. Dao moot zie jummers beginne mèt Vastelaovend te liere viere! Dat vaan dee paplepel jao. Meh toen kaom COVID-19. En dao góng Vastelaovend. Veureg jaor sjreef iech hei gans optimistisch tot veer us op Vastelaovend 2022 móste verheuge. Want dee zouw zeker doorgoon. "Es v'r gewoen noe al aan eus pekskes goon wérke, daan zuuste m'ch get es op 27 fibberwarie '22 de cortège door de straote vaan eus stad **zal** trèkke," zag iech. 't Is toch neet te geluive tot v'r veur 't twiede jaor geine Vastelaovend höbbe!

Es iech dit stökske sjrief, eve euver de hèlf vaan jannewarie, höb iech gein idee of 'ne Vors gevraog is. Zouw überhaup iemes "JAO!" hei tege höbbe gezag? Want 't zuut noe toch denao oet tot dat virus weer de pekskes in de vastelaovendskis liet zitte. Zoe erg, want veer höbbe Vastelaovend hiel hel nudeg. Teminste, de mieste vaan us. Iech kin ouch lui die zègke tot ze blij zien 'es deen oonzin neet doorgeit' meh dao weur iech hiel koed vaan. Want dit fees is geinen oonzin. 't Is netuurlek neet erg este neet devaan hëls, meh oonzin, nein! Euze Vastelaovend is cultureel erfgood. Euze Vastelaovend is e speul boe de Prins de mach euvernump vaan 't stadsbestuur en same mèt 't volk, de Vors en aander prinse drei daog fees viert. Alle regels los liet. Wel binne de sjraom. Niemes kwetse, neet euver iemes' grenze goon. Meh heerlek same oonbezörg plezeer make. Boebij v'r gere e gleeske beer drinke. Dat zaot 'vreuger' in plastic bekers. Meh dat maag neet mie. Dus zouwe v'r eus pëlske weer awwerwëts lekker in e glaas kinne drinke. Meh wee heet oets e gans zuver glaas mèt Vastelaovend gehad? Dat waor ein vaan de regels vaan mien ma, wie iech hiel lang geleie veur 't iers zoonder awwers op stap góng: "Lèt op totste e zuver glaas krijgs!" En jao, iech höb altied aan d'n aandere kant vaan de lippestif-aofdrökke gedroonke. Meh wie kinsté aan d'n aandere kant vaan omikron-aofdrökke drinke? Of mesjiens euver 'n tiedsje vaan weer 'nen aandere variant? Gewoen neet bij stèl stoon. Good veur de weerstand, es v'r allemaal get extra virusdeilkes binne kriege. Wèrk mesjiens nog beter es de boosterprik. En is nog väöl gezèlleger ouch.

Zjezeke is 'ne Mestreechteneer, zègke v'r altied. Leef Zjezeke, laot daan estebleef dee Vastelaovend doorgoon. Of op z'n mins 'n hiel klein bitteke. Dat zou de wachlies vaan de psycholoog zeenderouge verkorte. 'n Hiel klein Vasteläövendsje. Tösse twelf en vijf 's middags op 't pleinsje bij de Poshoorn e pëlske mage drinke. Mèt e waffellepke op boe 'n drinklook inzit. En tot daan umsteburz zate hermeniekes veurbij koume. Op afstand. Mèt 'nen euvergelökkege Vors dee 't z'ch vaanaof z'ne wagel straolend steit te beloere. Drei daog vief eurkes mage viere. Dat zouw al heerlek zien.

Iech drej al weke Vastelaovendsmeziek. Veur 't geval tot ... En bin aon't bedinke welk pekske iech aan daon. Veur 't geval tot ... Es v'r 't mer 'n hiel klein bitteke mage viere. Same mage viere. 't Leve viere mèt e klein Vasteläövendsje. Umtot v'r dao allemaal beter vaan zouwe weurde. Dus daorum, hiel veurziechteg, op anderhave meter aofstand en mèt waffellepke op, zègk iech toch tege uuch:

Vastelaovend same!

Väöl leefs, Vivianne Rijnders.



nicole
advies & administratie
Nicole Schrijvers
06 46 61 48 23
info@nicoleschrijvers.nl
www.nicoleschrijvers.nl

Antiquariaat Librairie
Stille

6221 EH Wyck-Maastricht Rechtstraat 85
tel +31 43 321 99 23
stille-antiquariaat@planet.nl



ONGLET MAASTRICHT
WYCKER BRUGSTRAAT 27
6221 EB MAASTRICHT
+31 (0) 43 852 8847
WWW.ONGLET.NL
LEVY@ONGLET.NL

ARMA BRAX BARUTTI ETERNA GARDEUR JACKETS & SONS LEDÜB WELLINGTON FYNCH-HATTON



Jos van Hugten
Mannenmode

Nieuwstraat 3, Maastricht
043-3219328
www.JosvanHugten.nl

WIENKONTOR

Bassinkade 7, Maastricht.

Kruuswoordpuzzel



Horizontaal

- 3. Geleefde greunte vaan Wiekeneer (mv)
- 5. 73 in Romeinse ciefers
- 6. Keemeleer dee 't langste debij is
- 10. Mezikspktakel in Wiek
- 11. Naom pleintje boe Vors oetgerope weurt

Vertикаal

- 1. Maske dat gebruik weurt bij oetrope
- 2. Zie sjreef 't Keemeleersleed
- 4. Naom veur de jongste Keemeleer
- 7. Naom van euze lèste zjubilei-Vors
- 8. Sjoenste wiek vaan gans Mestreech
- 9. Naom van euze prizzedent



Raymond Nieste
Electro Technisch Bureau



Mobiel +31 (0)6 26 644 779
E-mail info@nieste-etb.com
www.nieste-etb.com
Galopiahof 28
6215 TK Maastricht

E-installatie • Nieuwbouw • Renovatie

WePe-Mode

Veur de sjus get aandere Mode!

In de Rechstraot op nummer 54

"In de drei Keuninge " kint geer terech veur o.a.
leuke rökskes, sjieke breuk, wollige truikes, kleurige
regejeskes en nog väöl mie!!!"

Dus vroului zeuk geer nog get niuts veur aan te doen,
kom daan gerös 'ns binne laope!

(De koffie steit altijd werrem!)



Pastory.

IEDERE
ZONDAGMIDDAG
lunch menu
€ 27,50



Wij heten u van harte welkom in ons Restaurant de Pastory. U kunt hier in een aimable sfeer genieten van uitstekende, originele gerechten welke zijn geïnspireerd op de Franse keuken, verfijnd en klassiek!
Ook kunt u terecht in onze prachtige Salle des fêtes. Deze feestzaal is de ideale accommodatie voor al uw recepties, bruiloften, jubilea, personeelsfeesten, babyborrels en galadiners tot 300 personen.

RESTAURANT DE PASTORY DORPSTRAAT 45 6267 AA CADIER EN KEER T +31 43 40718 23 WWW.PASTORY.NL

De Groete Mestreechter Vastelaovends Tóp 111

Mèt de Vastelaovend is Mestreech eine groete kaffee. Hiel Mestreech dat sprink in 'ne groete krink, hand aan hand, ping ping, poet aan poet, ping ping. E huurt me daan zoe Vastelaovendsleedsje, gewoen zoe lekker pleetsje in eus eige taol, daan veult me ziech in d'n hiemel!

RTV Mestreech en Theater aan 't Vriethof höbbe ziech dizze Vastelaovend same gepak en zètte e sjiek evenemint neer: De Groete Mestreechter Vastelaovends Tóp 111.'t Vastelaovendvierend volk vaan Mestreech heet in de veurbije weke de 111 sjoenste en leukste Vastelaovendsleedsjes allertje oetgezeuk. En tijdes d'n Tóp 111 weure die allemaal gedrejd of live gezonge vaanaof de buun vaan d'n Theater.

Daan zalt geer zègke: Boe? Boe? Boe? Op Vastelaovendsmaondag 28 fibberwarie vaan 9.00 tot 18.00 oor op RTV Mestreech. Zeet geer zjus wie eure maan weg vaan tillevisie? Nou, sjiek is miech dat: d'n Tóp 111 is te zien op tillevisie en te beluustere via de radio. En zeet geer 'ne straoteluiper mèt de carnaval, daan hoof geer 't ouch neet te misse. Via de stream is de ganse oetzending euveral te volge. Ouch op 't Vriethof op 'n baank.

De Keemeleers, same mèt eus zustervereiniginge De Tempeleers en de Samewèrkende Vastelaovendsvereiniginge, ondersteune dit magnefiek evenemint. Mèt euzen Hoeglöstegeheid Vors Yves LXXI zalle veer acte de présence geve. Al zeet geer tant Neske, Sjannèt die dans nog ins ballèt, Maria mèt häöre wagel op 't plein, Lerang (bis neet zoe bang), de knievel vaan Lewieke, 'nen drekmaan dee geit stake of Merie e woorder vaan e keend: ofste aajt of joonk bis, zing mèr allemaal...

...Hup Marjenneke, Pup Marjenneke leve de Carnaval!

ARCHITECTES MOSAÏQUE

Lysianne Starmans

waterpoort 8 6221 gb maastricht
t 043 326 1356 m 06 107 86 206
lysianne.starmans@architectesmosaïque.nl
www.architectesmosaïque.nl

architect bna

Slagerij Soffiati



Alexander Battalaan 2a
Telefoon 043 - 321 34 81
Maastricht



LURE

Restaurant Lure
Grote Looiersstraat 7
6211 JH Maastricht

www.restaurantlure.nl / 043-3211775

De vermaarde pralines van Maastricht.

't Rommedoeke
kaas - noten - wijn & delicatessen



Brusselsepoort 37, 6216 CG Maastricht
WyckerBrugstraat 43, 6221 BB Maastricht
De Leim 8, 6227 CT Maastricht
Tel. 043 - 3430308 www.rommedoeke.nl



hardloopspecialist
RON FOR RUN
Rechtstraat 35 Maastricht
Tel: 043 - 3254903 www.ronforrun.nl

Op bezeuk in Keemelstad

Vastelaovend maak me same.

Wie sjiek is 't neet um mèt die drei daog vaan plezeer door de stad te trèkke. Verkleid, mèt väöl bravour, en plezeer. Maak plezeer en doeg dien hertsje leve. Veer höbbe 't zoe dèks tegenein gezag.

Daorum is 't belangrijk tot euze Vors en de Keemeleers och op viziet goon bij alderlei lui in de Wiek. Heioonder vint geer 'n fotoreportaasj vaan dees bezeukses, aan oonder aandere de kinderaofdeiling vaan 't Hospitaol, Maasveld, de Gehandicaptesportvereineging, de basissjaol in Wiek, bij Regalo's en de Koepelhof.


Want of me noe aajd of joonk is, groet, klein, dik of dun: dee Vastelaovend viere veer allemaol!



Kómp uuch eine (of twie) drinke!

't is veur de horeca lang neet altied gemekelek gewees de lèste twie jaor.

De Keemeleers hope tot geer dit jaor weer de weeg trök vint nao eur favoriete locatie veur e soiréeke, 'ne vrijmibo, e ordentelek fieske, 'ne borrel, 'n poortie fröhshoppe of 'n tas koffie mèt vrun of bekinde.



Veer weite zeker tot de kasteleins vaan Wiek, Mestreech-Oos en Groet-Mestreech veur uuch klaorstoan!





Bakkerij Hermans
FAMILIEBAKKERIJ SINDS 1936

www.bakkerijhermans.nl 043 321 31 17



Milan Zveklich D.C.
Doctor of Chiropractic

Meerssen - Roermond - Eijsden
Aan de Gapert 4a
6231 BX Meerssen (Roethem)

Tel. 06 - 814 80 605 - info@chiropractiezuid.nl

www.chiropractiezuid.nl


Aangelozen bij Stichting Chiropractie Nederland (SCN) en Nederlandse Chiropractie Associatie (NCA).



LUKOIL Lanaken,
Koning Albertlaan 227
3620 Lanaken
Mieke v.d. Molen



MAASLANDS



- Lijstenmakerij
- Galerie
- Antiquariaat

Rechtstraat 77 6221 EH Maastricht
www.maaslands.nl info@maaslands.nl

MAASLANDS



**MULDERS
BOUW**

Giel Duijkersstraat 3, 6226 DD Maastricht



Amrâth Grand Hotel
★★★★
DE L'EMPEREUR
MAASTRICHT

Stationsstraat 2 • 6221 BP Maastricht



Daankwoord veur al eus sponsore

Veer zien gruuts op al eus sponsore, die us de lèste jaore höbbe ondersteund um de Vastelaovend in Wiek en Mestreech meugelek te make. Veer kinne us neet veurstèlle in wat veur 'ne zwoer situatie dees oondernummers al twie jaor laank zitte.

Veer hope tot Corona hiel gaw nog allein mer 'n klein notitie is in de historiepook. Pin hawwe is 't einege wat veer op dit momint kinne, en wat veer ouch zalle doen! En es geer dees gezèt höb geleze, gaot daan zeker 'ns op bezoek bij ein vaan de oondernummers op deze of de aander pagina's.

Koup lokaal en steunt hun!

Eder klein bitteke hölp!

Ouch advertere? Sjik 'ne mail nao:

info@keemeleers.nl

CDA

MAASTRICHT

**NOL BECKERS
LIJST 1, NR 2**

**Samen voor
Maastricht**

Ammezeert uuch, meh neet boete de sjraom.

Vastelaovend same!

De gemeinteraodsfractie vaan CDA Mestreech

CDA.NL/MAASTRICHT

Haw pin!

VEER ZIEN UUCH IN 2023...

...OF MÈT DE
VASTELAOVEND!

VV DE KEEMELEERS

